捣藻堂四庫全書

音薈

要

史部

欽定四庫全書管要此史卷八十三

14×5

詳校官內閣侍讀道孫 球

Y 101 | 一家定四庫全書養要卷四千八百九十四史部 一たとり 北史卷八十三 唐 **þ**. 顏之推 樊遜 苑 温子昇 第七十 2 Ļ 儀弟 之 李 荀士遜 荀濟 北史 延 虞世基 王爽 祖 鴻 壽 動 柳誓 庾信 李廣 撰

文 飛 易 多藝監二代以正其源闕里之性與天道修六經以 紦 靡 疗 之為用 聲善乎言之不文行之豈能遠也是以曲年之多才 日 觀乎天文以察時變觀乎人文以化成天下然 得而云典謨已降遺風可述至於制禮作樂騰實 1 庚自直 諸葛頻 許善心 其大矣哉逃聽三古彌 李文博 潘 王貞 榝 祖常 君德 彦志 明克讓 虞 綽 孔尹 綸百代若乃墳素 德式 紹 王 劉 劉 胄 善 劉 臻 維 則 所

盆

淹 雅 其末用能窮神知化稱首於千古經邦緯俗藏用於 憤 逐之臣盗窮後門之士道戴軻而未遇志抑 至哉 語與義或未盡善考其遺跡 滔 稷下八儒三墨之異涤園泰 "斯固聖人之述作也逮乎兩周道丧七十義 於 委約之中飛文魏闕之下奮迅泥海自致青雲 朝 流風聲於干載者往往而 亦賢達之流子其離 如林而二馬王 谷名法兵農之 有矣漢自 一鬱而 别 孝 雖 乖 不

2 9

Ē

Ŀ 5

. 共

後雅尚斯文揚範振藻者

揚 為

為 釒 移 オ 飾 之 東京之朝兹道愈扇咀 万 交 阮 質文屢變譬猶六代拉 雄當塗受命尤好蟲蒙金行勃 侵 之 員宏行之思挺棟幹於鄧林潘陸張 羽 問揮翰於鋒鎬之下亦有時而問 僣 理 儀 同 偽相屬生靈塗炭故文章點馬其能 於鳳穴斯 歸歷選前英於斯為盛既 远 髙 奏易俗之 徵含商者成市而 視當世連衛 用 興無替前烈曹王 而 孔 無 岀 中州 典九源競 門 左 矣 擅 班 雖 傅張蔡 時運 侈麗之 板湯式 岩 潛思 乃鲁 推 逐

足 時 有 檄 運然也至於朔方之地最爾夷俗 則 之 宏宏子浩萬允高 稱 魏 謂 屬 宏麗區區 定 粲 清 然可觀體物 鼎 見重於燕秦然皆免 典子曰十室之邑必有忠信豈徒言哉泊子 沙 朔 南包 河 右 河 而學者 縁情 問 游 淮 則寂寥於世非其才 雅等先後之間聲實俱茂 西 **埓於中原劉** 吞 於倉卒牵於戰陣華奏符 闋 龍當時之士 胡義周 延 之 明 有許 有 2 頌 鉊 優 國 劣 都 詞 酒

北史

Ξ

杜

廣徐光尹弼之傳知名於二趙宋該封爽朱形梁

義典正有永嘉之遺烈馬及太 麟 鉱 稍 慕 歴 頡 彫 定 角 今 蒧 新 頑漢徹跨躡曹丕氣韻高遠監察 凹 年未 敬憲弟莊 其風 孔子曰才 有 風 庫 律 所未遇是故 全 及 調 聞 書 頗 明 獨 殊曲 7 伯莊 難 皇 得 御 不 既 其然乎于時陳郡 而陳 度遂改解罕泉源言多智 伯 歴文 雅言麗則之奇綺合繡 族 弟伯茂范陽 郡袁翻 雅大盛學者 和 在 河内常 獨 運 盧 良 構 銳情文學 如牛毛成者 觀 翻 景晚 衣 弟仲宣 翻 魁 聨 弟 之美 臆 仰 扳 畴 潤 固 躍 止 頓 咸 類 眇 古 いく 河 如

自 杜 玄 鮗 徐 李諮渤海高肅 孤 輔 魏 梓 廣延髦 寒鬱然特起成能綜採繁終 '李景清河崔長儒 陳應劉元 霏霧集河間 並為龍光俱稱鴻翼樂安孫彦舉濟陰 **玄北平陽子烈並** 俊開四門 元之 邢 河間形城趙國李霧彫琢瓊瑶 子才 潘張左束各一 其 河 レス 實之 鉅鹿 間 流 邢子明 也復有范陽 魏 頓 興屬清華比於 伯 時 起范陽点 范陽 紘 也有 レス 掩 祖 祖 温 齊自 盧 之 孝 鸿 子 鄴 元 動 徴 都 霸 建 明 昇 刻 中 亦 之 業 安 鉅 參

章 参掌論語其李廣樊孤李德林盧詢 士之列及天保中李愔 定 官 若尚士逐李德林薛道 者 卿 名 詔旨其閥涉軍國文翰多是 庫 皇建之朝常侍王晞 劉 滔 全 此理 於 逃魏賽亦參詔勃自李情已下在 羣 不 ,]-初 钛、 頗 因 卷ハ十三 盡屏風物通直即 好 陸印崔瞻陸 該詩切時當讀詩賦 衛拉為中書 獨擅其美河清 魏 祖 收 元規並在中書 盧思道 始 作之及 侍 蕭放及晋陵 ĒŖ 省 天 典 在 統 唯 語 司 之 綸 武 撰 いく 辰 文

陽 觱 其 推 事又 意 同 後 斯 文三年 監 復 因 録古賢烈士及近 師 詔 撰 追齊 撰 徐之才中書令崔 文 録 袓 珽 林 琏 猶 等奏追通直散騎侍郎章道 輔 依霸朝謂之館客 館 祖 録事祭軍蕭怒趙 馬 珽 政爱重之推 奏 琏 立 又 奏撰 代輕豔 文 劫散騎常侍 林 御覧 又 舘 放 諸詩以充 於是 託 鄧 及 州 詔 功 珽 更 長 さ 曹祭 張彫中 顒 推 及 召 引文 意欲 圖畫帝 涨 特 漸 軍 陸 影 進 學 更 書 顏 後 人 魏 廣 監 主

北史

司 郎 舍人王劭衛尉丞李孝基殿中侍御史魏潛中散 空東閤 一仲威哀真国子博士朱才奉車都 崔子福左外兵郎薛道衛并省主客 南兗州刺史羊肅通直散騎侍郎馬元熙并省 太守鄭元禮衛 於 慈之推 朝請鄭公超殿中 祭酒崔德立太傅行祭軍崔 等同 尉 撰 侍御史鄭子信等入 卿杜臺鄉通直散騎常侍 例 復命散騎常 尉陸 儦 印中盧 -侍封 太學 道開 博 館 考 思 琰前 撰 士 道 諸 書 功

全書

孝 沖 知 司 公郎中劉 并省右户郎元行恭司徒户曹參軍古道子前司 又有前海州長史李耆前廣武太守魏蹇前西究 貞中書侍郎李德林續入侍部尋又記諸人各舉 後 '復命特進崔季舒前仁州刺史劉 蕭 侍郎辛德 紙前 **珉開府行參軍李師上温君悠入館亦令** 幽州長史陸仁惠鄭 源陸開明通直即封孝騫太尉 州司馬江野前通 逃散騎常 掾 張 直 姷 111 德

功

曹參軍劉顗獲嘉令崔德

儒給事中李元楷晋州

比史

六

薦者十三四馬雖然當時操筆之徒搜求略盡其外 參軍王友伯崔君治魏師塞並入館待詔又粉 欽 賢亦十三四不逮之周氏創業運屬陵夷纂遺文於 廣平宋孝王信都劉善經輩三數人論其才性入 事陽師孝太尉中兵參軍劉儒行司空祭酒陽辟 定四庫全書 一 空士曹參軍盧公順司空中兵參軍周子深開府行 處分者凡此諸人亦有文學膚淺附會 言亦入馬御覧成後所撰録人亦有不得待記 卷八十三 親識妄 僕 射 館 相 付 殷 疆 諸 推

斾 粃 扇 有六 於 魏 '之詳矣暨永 咸 閼 莫 晋憲章虞夏 能常行 右 奮 發 稟 鮮異 於中 狂簡 如弗 五常之秀情感六氣 之徒 自致青紫然綽之建言 馬 及是以蕪亮蕪綽盧柔唐 而 発 明 既 自 之斐然成 屬辭有 漢 天監之際 而革車電邁者宫雲撒 魏 νZ 来 俗 師古之美 流宕忘 大 选乎晋宋 順 和 四時之序蓋 矮 務 反 保 華元偉 存質朴 無 在非適時 之 其體屢變 所 闁 梁 洛 取 荆 陽 裁 遂 文 2 糠 前 風

日華全書一人

南 則 徐 北 文 文 陵 遇 雅 詞 雅 河 短 庾 多哀思 其 人得 合 朔 尤 道 意 其 盛 信 淪 詞 失之大 彼 理 分 義 缺 两 深 格 路 長 貞 此 漸 乖 則 者 揚 ひく 剛 好 典則爭馳 文質彬 較 鑂 重 尚 延 便 其意淺一 乎 於 也 雅 岩 之聽蓋 時 氣 有 質氣 能 彬畫 用 異 新 而 文 同 掇 華 此美 盖 苦矣 繁 亦七 質 彼 江 巧簡 則 清 左 其 者 國 丈 音簡兹 宜 宫 文 理 商 於 勝 匿 湘 之音也隋 而 東路 該 癸 梁 其 越貴 自 累 歌 彩 詞 句 清 詞 大 此 其 尚 其 滛 各 同

自 馬 至受 有 在 詞 靈燕趙 ŔΫ́ 非 藻 朝 謂 滛 帝婦秦遠子青蓋 輕 猶 3 詩 能言者未必能行蓋亦君子不 而 側 奇俊 暨乎 詞 及 活麗故憲臺執法屢 擬 無 飲馬長城 竝 浮湯故當時級文之士遂 ВP 該 位 天 一變其體 網之中 洛 窟 四 垃 隩咸 俱 飛霜簡煬帝初習藝 存 浦 為大國之實言刈 越 雅 公書建 泉 醴 歸於 以 九 人 得 州 察言也 東 典 攸 依 都 制 同 而 雖 詔 江 取 冬 漢 意 正

北史

統萬機每念斷形為

樸發號

施

令成去浮華然

鉑 那 定 聘龍光並 片 河東 之文人見稱當世者則齊人范陽盧 河東薛道衛趙郡李元操 ÞΞ 善無遺潤 附 庫 伯茂 其家傳奉書 柳 全 誓高陽許善心等或鷹揚河朔或獨步漢 書 驅 那 盺 雲路 水 圆流不能十數才之難也不 温 子昇 矣魏書序袁躍裴敬憲盡 叙 租 鸿 為文苑傳 勲 鉅 鹿 李廣樊遊 魏 今唯 澹 陳人會 思道安平李 劉 取 一巡首士 子 其然 昇 觀 稽 封 虚 南 肅 餘

苑傳令唯

取祖

李樊荀其餘

亦

各

附

壽虞綽王胄庾自直潘級為文學傳今檢崔儦王頻 萬壽各從其家傳其餘編之此篇并取虞世基許善心 柳晉明克讓冠之於此以備文死傳云 在之推之末隋書序劉臻崔儦王項諸葛潁王貞孫 周書不立此傳今取王褒庾信列於此篇顏之推 子昇字鵬舉自云太原人晋大将軍崎之後也世居 左祖恭之宋彭城王義康户曹避難歸魏家於濟 入周故列在王庾之下頹之儀既之推之弟故 北史 列 孫

郡 由 倦長乃博覽百家文章清婉為廣陽王深賤客在 事子界初受學于崔靈思劉蘭精熟以夜繼書畫夜 句因為其郡縣人馬父暉兖州左将軍長史行濟陰 四人為高第於是預選者爭相引決匡使子昇當之 謝之景曰項見溫生深惟問之景曰溫生是大才 諸奴子書作侯山祠堂碑文常景見而善之故 稍 射策者八百餘人子昇與盧仲宣孫塞等 知之熙平初中尉東平王匡博召解人以充 詣

定四月在書 1

皆受屈而去寒謂人曰朝來靡旗亂轍者皆子界逐北 関還為朝請後李神馬行荆州事引無録事於軍 瑜 郎 省神馬表留不遣吏部即中李吳退表不許曰昔 補御史時年二十二臺中彈文皆委馬以憂去 中才藻可畏高車破走珍寶盈滿子昇取絹 是還員及廣陽王深以東北道行臺召為即中黃門 之不應留王朗所以發數宜速遣赴無踵产雲前失 於受四方表格答之敏速於深獨沉思曰 彼有 四十 任 伯 徴 服

曾 不軍 不 逃遁天穆甚怒奏人代之莊帝曰當世才子不過 ح 數十騎潜送子昇得達冀州還京李楷 -敗子昇為葛榮所得樂下都督和洛 得 日 不 及孝莊即位以子昇為南 免足使夷甫慙德 行子昇未敢應天穆 直上黨王天穆時録尚書事将加 쌰 便 相 放 點乃寢其奏及 门自是 一謂人曰 無 主客 復官 吾 天 郎中修 -穆 情 閉 興 妆 将 興 討那果 執 捶 門讀書 其才用豈 撻 其手 子 起 昇 子 居 昇 售 數 注 厲 日 召

定

四庫

全書

卷八

顥 子 徃 曰 討之 前 而 主 **异還洛顏以為中書舍人莊帝還宮為** 見之加 上以武牢 洛 您也今復不來便須南走越北走胡耳子异不 捨 必 بلا 天穆召子昇 有 北度竊為大王惜之天務善之而 伏 征 -失守致 無戰王若剋復京師奉迎 波将軍為行臺即中天穆深知賞之元 問 地 曰 狼 即 狽元顥 欲向京師 新 人人情未 為隨我北 大駕 顥 任 不 ,桓文之 使 能 度 者 用遣 安 今 對 3

被

點而子昇復為舍人天務每謂子昇

日恨

不

用

卿

足日車至書!

前 寫 逃匿永熙中為侍讀無舍人鎮南将軍金紫光禄大夫 計 一散騎常侍中軍大将軍後領本州大中正梁使張學 子异文筆傳於江外梁武稱之曰曹植陸機復生 土恨我辭人數窮百六陽夏守傳標使吐谷渾見其 顏色不變曰粉紫不視之介朱兆入洛子昇懼 韶子昇詞也榮入內遇子昇把部書問是何文字 除正員即仍舍人及帝殺介朱荣也子昇預謀當 頭有書數卷乃是子界文也濟陰王暉業書三 於

ŧ

合陳解子昇久忸怩乃推陸操馬及元僅劉思逸首濟 左文人宋有類延之謝靈運深有沈約任昉我子昇 易作通峭難為文襄館客元僅曰諸人當賀推子 書郎嘗請梁客館受國書自以不修容止謂人曰詩 以腹顏樂謝合任吐沈楊遵彦作文德論以為古今 人皆負才遺行澆薄險忌唯那子才王元素温子昇 有德素齊文襄引子昇為大將軍部議子界前為

等作亂文襄疑子昇知其謀方使之作神武碑文

既

欽 長史宋游道收葬之又為集其文筆為三十五卷子 定四 濟字子通其先頻川人世居 際好豫其間所以終致禍 餓諸晋陽獄食弊補而死棄屍路隅沒其家口太 子盛州主簿有文才年二十餘卒 静與物無競言有準的不妄毀譽而內深險事 庫 全書 敗又撰永安記三卷無子 江左濟初 與梁武帝布 尉

文或稱其才於梁武梁武曰此人好亂者也濟又

交知梁武當王然勇氣不服

謂人曰會植上摩墨作

製 祖 情 遲暮乃下辯曰自傷年幾推 及是見執楊悟謂曰遅暮何為然濟曰叱叱氣耳 起風雲之事故挟天子誅權臣齊文襄惜 佛法言營費太甚梁武将誅之遂奔魏館於崔恢 涿 燔殺之都下士大夫多傳濟音前 謂曰荀公何意及濟日奉記 郡范陽人也父慎仕 大夫贈中書監幽 頹恐功名不立舍兒 魏歷鴈門咸陽二郡 誅將 軍高澄何 其 オ 為 何

有能名卒於金紫光

禄

44

刺

北史

歃 謝 諡 動 淮 到 惠侯鴻敷弱兒 官 為 而 恐 文位至高 王或表薦其文學除奉朝請人 非 識之或聞 今來何也鴻勳日今來 司 庫 其 鄉 徒法曹參軍事及赴洛叛 宜鴻 里齊神武嘗微 陽太守在官清素妻子不免寒飯時議 動日為 而喜日吾 與 同 卷八十三 郡 國 7舉才臨 至并 盧文符 得其人矣後成陽王微 赴職 肿. 非為 謂曰 趈 作 淮 日 為州主簿僕 臨 晋 Ż 務 淮舉卿 祠 謝 臨 思轉 祖 記 淮 好事 鸿 相 竟 學竟 敷 廷 射 秦 尉 何 臨 翫 鴻 相 JE.

定

凹

全書

御 齊天保初卒官 才思少與趙 行中尉崔暹精選御史皆是世胄廣 廣字弘基范陽人也其先自遼東徙馬廣博涉 修國史南臺文奏多其解也齊文宣 郡李謇齊名為邢魏之亞 獨 以才學 初 而 嗣 訥 霸 於 業 奉 無 言 侍

書

記

天保

初

欲以為中書

郎遇

其

八病篤

而

址

廣嘗

寐

忽驚覺謂其妻曰

吾

向

んく

睐

非

뚎

忽見

吾身中語云君

用心過

精

神

旂

堪

今

辭

君

去

因

+

過苦非

而 欽 定 疾 遠坦率無私為士流所爱時共贈遺之賴以 恍 性至孝喪父員土成墳 遊字孝護河東北猗氏人也祖 好學其仲兄以造遭為業亦常優饒之 四 終嘗薦畢義雲於崔暹廣卒後義雲集其文筆七 忽不樂數日便遇疾積年不起廣雅有鑒識度量 獨愛安逸可不愧於心乎欲同熟事業母馬氏 魏收為之序 庫全書 植 柏方數十畝 琰父衡並無官官 朝 遜 2自責日 Ì 自 號慕 給 竟 而

議其静默不能超時者遜常服東方朔之言陸沉世 遊上清德領十首鉴大加賞重擢為主簿仍薦之於 居 賢思齊四字以自勸遜貌聽陋有才氣屬本州 足日車全書 一 汝欲謹小行邪遜感母言遂專心典籍恒書壁作見 射崔暹與遼東李廣勃海封孝琰等為遇賓客人有 都中為臨漳小吏縣令裴鉴在官清苦致白雀等瑞 世金馬遂借陸沉公子為主人擬客難制客 後崔暹大會客大司馬襄城王旭時亦在坐 一欲命 淪陷 誨 いく 寓 お 俗 自

尚書案舊令下州三載一舉秀才為三年已貢開封人 梁州刺史劉殺思以遜無録事參軍事遜仍舉秀才 齊文襄崩遇為文宣從於邊賓客成散逐遂從居 追指 遊日此人學富才高兼之住行可為王參軍也 目之曰豈能就耶逃曰家無陰第不敢當此武定 献計至此年未合無別駕王聰抗辭爭議右丞陽 陳

斐不能却尚書令萬隆之曰雖遜才學優異待明年

遠遜竟還本州天保元年本州復召舉秀才三年春會

臺率衆南討以遜從軍明年文宣納 尚書擢第以遜為當時第一十二月清河王岳為大 定州秀才李子宣等以對策三年不調 都遜仍被都官尚書崔昂舉薦詔付尚書考為清平勤 罷詔不報梁州重舉遜為秀才五年正月制詔問馬 堂對策策龍中書郎張子融奏入至四年五月遊與 主岳假遜大行臺郎中使于江南與蕭修侯瑱和 往還五日得修等報書岳因與修盟于江上大軍 梁 被付外上書請 貞陽侯蕭 明 解 為

ヒト

前 才高乾和瀛州秀才馬敬德許散愁韓同寶洛州秀才 參書太常博士書中外書合若干本以相 廉鮑長暄陽平郡孝廉景孫前梁州府主簿王九 開府 懷德懷州秀才古道子廣平郡孝廉李漢子勃海 送吏部七年詔令校定羣書供皇太子遜與冀州秀 校書每 府書籍紙緣者多遜乃 水曹参軍周子深等十一人同 書竟表上輒 議田案漢中壘校 言臣向書長水校 被尚 比校然後 書 詔 尉 尉 共 郡 臣

欽

定四

庫全書

巻ハナニ

為 存 子 諸 瑞 銘 祕 收 府 書 吏 閣 陸 史 故 雠 巴 殆 ip 部 作書以告 監 即 校 國 尉瑾 無遺闕于時 子祭酒李業與並是多書之家請 尚書辛術司農少卿移子容前黄門郎 欲利定必藉聚本太常 不 擬 知 4移尚書 極 ひく 晋陽 為 重出自蘭臺獅 收 朝士令 合 都坐凡 魏 作 牧 也 作 魏 陸 所 厙 諸甲 潤 操 卿 狄 得别本三千 干 色 伏 邢子才太 渾卒楊 館 碑序 之收 向之 今孝 牃 能 悟 餘 借 卷 謶

È

<u>`</u>

5

土史

八年減東西二省官更定選員不過三百參者 楊 **僧言于衆曰後生清俊莫遇** 廅 思 道文章成

贞

A

卷八十三

莫過樊孝無几案 外郎三人 艺 補 員 垃 外司馬督愔曰才髙 員外將 斷割莫過崔成之遂以 軍孝護解日門 不 依常例特 族 寒陋

初 為主書參典 詔策天統元年加 員外郎 思道長熱 奏用 訪第 居

さ

必

員

姕

而卒雇方相送葬仍前所逢者孝讓死後定州

Ð

轜車嚬眉下淚

指

方相

日

何日更

相

煩

君

省 弘 須 定末舉司州秀才远齊天 荀士遜繼為主書才名 士遜 乃云醜舍人帝曰必士 遜 奏遇武成在後庭因左右傳通傳通者不得士 為主書轉中書舍人狀貌甚 生卒於侍御史 舉秀才清 廣平人也好學有思理為文清典見賞知音 朗剛直楊 愔 保十年 相 將 亞站瞻字孝博東安人 也看封題 用之日今日之選不可無 醜以文辭見重當有事 不調皇建中馬敬 果是内人莫 孫 击 姓 德

亳

比史

欽 散笑累遷中書侍郎號為稱職與李若等撰典言行於 王襄字子深琅邪臨沂人也曾祖儉祖騫父規並南史 定四庫全書 存亡 年卒

有傳惡識量淹通志懷沉靜美威儀善談笑博覧史傳 一歲能屬文外祖梁司空袁昂爱之謂賓客曰此兒當

成吾宅相弱冠舉秀才除秘書即太子舍人梁國子祭

蕭子雲褒之姑夫也特善草隸褒少以姻戚去來其

宣 地 右 以弟都陽王恢女妻之襲爵南昌縣侯歷位秘書 於 物時 凋残時 推 時 僕 王文學安城內史及侯景 挹故 射 轉 南 **論稱之初元帝平侯景及禽武陵王紀** 仍遷左丞無參掌褒既名家文章優賭當 位望隆重龍遇日甚而愈自該 平內史梁元帝嗣位褒有舊召拜吏 江陵殷盛便欲安之又其政 **临建都褒輯寧所部** 府 損 臣 僚 不 皆 後 部 いて 尚 時 位

E

5

全書 一

竝

願

即

都那野當召奉臣議之鎮軍

将

軍

胡

僧

祐

謹甚禮之發曾作燕歌妙畫塞北寒苦之狀元帝及 元帝入金城俄而元帝出降衰遂與衆 部 用及 為然褒性謹慎 閑 士並和之而競為悽 王氣已盡又荆南地又有天子氣遷徙非宜元帝 密谏言解甚切元帝意好荆楚已從僧祐等策竟 尚書宗懔大府 魏 征 江陵元帝授褒都督城西 知元帝多猜忌弗 卿黄羅漢 切之解至此方 御史中丞劉鼓等曰建 敢公言其非後 諸軍 驗馬發與王克 俱 出 見 事柵 杠 破從 國 因 諸 深

宴命褒賦詩談論恒在左右尋加開府儀同三司保定 何思眄忘羁旅馬周孝関帝踐作封石泉縣子明帝 騎大將軍儀同三司常從容上席資飯甚厚發等亦 吳之利二陸而已今定楚之功奉賢畢至可謂過之矣 劉鼓宗懔殷不害等數十人俱至長安周文喜曰昔平 位為好文學時褒與庾信才名最高特加親待帝每遊 又謂褒及王克曰吾即王氏甥也卿等並吾之舅氏當 親戚為情勿以去鄉介意於是授褒及殷不害等車

一飲 定四 草東宮既建授太子少保遷少司空仍掌綸告來與 書馬尋出為冝州刺史卒於位子惠 正自陳來聘帝許褒等通親知音問發贈弘讓詩并 稱賞發有器局雅識政體既累世在江東為宰輔帝 除内史中大夫武帝作象經令發注之引據該治甚 以此重之建德以後頗參朝議凡大詔冊皆令褒 發常侍從初發與梁處士汝南周弘讓相善及讓兄 庫全書

庾信字子山南陽新野人祖易父肩吾並南史有傳信

中庭子掌管記東海徐摘為右衛率摘子陵及信 而俊邁聰敏絕倫博覽羣書尤善春秋左氏傳身長 尺腰帶十圍容止頹然有過人者父肩吾為梁太子

都下莫不傳誦累遇通直散騎常侍聘于東魏文章 令盛為鄴下所稱還為東宮學士領建康令侯景

綺豔故世號為徐庾體馬當時後進競相模範每有

撰學士父子東宫出入禁園思禮莫與比隆既文

梁簡文帝命信率宫中文武千餘人 於朱雀航

同 欽 氏乃請王褒及信等十數人武帝唯放王克殷不害等 之時陳氏與周通好南北流寓之士各許還其舊国陳 至信以東先退臺城陷後信奔於江陵梁元帝承制 進野義城縣侯俄拜洛州刺史信為政簡静吏人 三司周孝関帝踐作封臨清縣子除司水下大夫出 御史中丞及即位轉右衛將軍封武康縣侯加散 定四庫全書 弘農郡守選驃騎大将 聘於西魏屬大軍南討遂留長安江陵平界遷儀 巻ハ十三 軍開府 儀同三司司憲中 騎

頹 文集二十卷文帝悼之贈本官加荆雍二州刺史子立 嗣 南賦以致 之推字介琅邪臨沂人也祖見遠父協竝以義烈稱 衣之交奉公碑誌多相託馬唯王褒頗與信将自 及襄並惜而不遣尋徵為司宗中大夫明帝武帝 人莫有逮者信雖位望通顯常作鄉關之思乃作 好文學信特蒙思禮至如趙滕諸王周旋好至有若 以其意大泉初以疾去職隋開皇元年卒 餘 有

比史

博覽書史無不該治解情典歷甚為西府所 殺之賴其行臺郎中王則以免景平還江陵時相東 修邊幅時論以此少之湘東遣世子方諸鎮郢州 世善周官左氏學俱南史有傳之推年十二遇深湘東 為其國右常侍如鎮西墨曹参軍好飲酒多任 為中撫軍府外兵参軍掌管記遇侯景陷郢 以之推為散騎侍郎奏舍人事後為周軍所破大將 講莊老之推便預門徒虚談非其所好還習禮 稱 和東王 いく 頻

欽

定四庫全書

卷八十三

文宣見悅之即除奉朝請引於內 重 顔 物示之推之推營外飲酒孝信還以狀言文宣乃 眄後從至天泉池以為中書舍人今中書即段孝 令掌知館事判署文書遷通直散騎常侍俄領中書 停由是遂寢後待韶文林館除司徒録事祭軍之 暴長具船將妻子奔齊經砥柱之險時人稱其勇 以機悟博識有才辯工尺牘應對開明大為祖 館中侍從左右 頗 琏 所 推 被 日 信

北史

李楊重之送往弘農令掌其兄陽平公遠書翰遇

舍 受進止所進文書皆是其封署於進賢門奏之待報 出兼善於文字監校繕馬處事勤敏號為稱職帝甚 人帝時有取索恒令中使傳旨之推稟永宣告館中

定

月生意

推 取急還宅故不連署及召集諫人之推亦被與入 接 為數要者所嫉常欲害之崔季舒等將諫也之

勘

名得免尋除黃門侍郎及周兵陷晉陽帝輕騎還都

急計無所從之推因宦者侍中鄧長顒進奔陳策

無

徐 難 之以告丞相高阿那肱等阿那肱不願入陳乃云呉 十篇並行於世之推在齊有二子長曰思魯次曰敏楚 弟之儀字升幼顏悟三歳能讀孝經及長博涉羣書好 河津齊亡入周大泉末為御史上士隋開皇中太子 浮海南度雖不從之推策然循以為平原太守今守 不忘本也之推集思鲁自為序 文學深見禮重尋以疾終有文集三十卷撰家訓 信勘帝送珍寳累重向青州且守三齊地若不可 召 保

÷

深江陵平之儀隨例遷長安周明帝以為麟趾學士 二葉俱得游深應貞两世拉稱文學我求才子無慰良 司書上士武帝初建東宫盛選師傅以之 **譴唯之儀以累諫獲賞即拜小宫尹封** 詞賦嘗獻梁元帝荆州 後征吐谷渾 位遷上儀 碎昏縱日甚之儀 同大将軍御正中大夫進爵為公帝 在軍有過行鄭譯等並以 巻八十三 犯 頌辞致雅贍帝手物曰枚乘 類驟諫雖不見納終亦 平陽縣男宣 儀 不 能匡 為侍讀 弱 稍

乖

欽

定四庫全書

有 聲謂助等日主上升遐嗣子幼沖阿衙之任宜在 死 受朝恩當盡忠報國奈何一旦欲以神器 方今賢戚之内趙王最長以 崩 **諫帝怒欲并致之於法後以其該直無** 深為帝所忌然以思舊每優容之及帝殺王朝之 知 非 而已不能誣問先帝於是昉等知不可屈乃代 劉 帝旨拒 **時鄭譯等精遺詔以隋文帝為丞** 而弗從防等草詔署記逼之 坎史 親以德合膺重寄公等 私乃舍之宣 相 假人之 (儀署之 輔 少主 宗

釘 將 百石十一年卒有文集十卷行於世 京 物目有主者宰相何故索之於是文帝大怒命引 節 聚之然以其人望乃止出為 署而行之隋文帝後索符重之儀又正色曰此天子 朝文帝皇而識之命引至御 夷夏悅之明年代還遂優将不 師進爵新野郡 而不可奪古人所 庫 在き 公開皇五年拜集州刺史在 難何、 VZ 西 坐謂之曰見危受命臨 加 疆 仕十年正月之儀 卿 郡守及踐極部 乃賜錢十萬米 州 徴 清 出 例

賜馬一匹及陳滅入隋為通直郎直內史省負無産業 恬静喜愠不形於色博學有高才兼善草隸陳中書 虞世基字懋世會稽餘姚人也父荔南史有傳世基幼 於幕府山校獵令世基為講武賦於坐奏之陳主嘉之 今潘陸也因以弟女妻馬仕陳累遷尚書左丞陳主當 召之世基不往後因公會陵一見而奇之顧朝士日當 與見而嘆曰南金之貴屬在斯人少傳徐陵聞其 名

備書養親快快不平當為五言詩以見情文理悽

比史

二十六

切

肉 世 欽 國 惜身前後敦勸者數矣帝重其才親禮逾厚專典機 世基食軋恐哽不能下筋帝使 與世基相見數日海內當共推 以為工作者無不吟該未幾拜內史舍人楊帝即 定四庫全書 與納言蘇威左胡衛大將軍宇文述黃門侍郎装 拜見之日殆 遷內史侍郎以母憂去職哀毀骨立有記 彌 隆秘書監河東柳顧言博學有才罕所推謝 不能起令左右扶之哀其羸瘠詔令 問日方い 此一人非吾衛 相委任宜為 起令 所 位

盛請發兵屯洛口倉以脩不虞帝不從但答云卿是書 言其於泉朝野離心帝幸江都次聲縣世基以盗賊日 多敗世基勘帝為賞格親自撫循乃下記停遠東事 節度世基至省方為物書日旦百紙無所遺終遼東之 御史大夫裴縊等参掌朝政時天下多事四方表奏日 之師乃復振及圍鮮敷格不行又下伐遠之詔由是 進位金紫光禄大夫後從幸馬門為突厥所圍戰士 百數帝方凝重事不廷决入閣之後始召世基口授

至日華全書 一

二も

有 定 敢 世基日鼠竊雖多未及為應義臣剋 熲 知也常遣太僕 聞 **忤意盜賊日甚** 猶 張術等相繼誅戮懼 帝 者乃 惟怯于時天下大亂世基知帝不可諫正又 最非国帝曰即言是也處追義臣 數日我初 抑 損 表状不以實聞是 柳楊義臣捕盜 不開賊 郡 縣多沒世基知帝惡數 禍 及已雖 頓 、如此義臣の 河 居近侍唯語 迚 後外間有變帝 降賊 之 擁 列 兵 (數十萬 降賊 放 聞之 其 取 何

見親爱朝臣無與為比其繼室孫氏性驕活世基惑之 言善達何緣得至帝勃然怒曰善達小人敢 李客有衆數萬團通京都賊據洛口倉城內無食若 '越王何遣太常丞元善達問行賊中詣江都奏事 容世基見帝色夏進日越王年小此輩許之若如 速還烏合以散不然者東都央沒因歐欲嗚咽帝 經賊中向東陽催運善達遂為羣盗所殺此後外 口莫敢以賊間奏世基氣貌沉審言多合意是以特 **私廷辱我** 因 所

恣意奢靡彫飾器服無復素士之風孫復携前夫子夏 有家風弱冠早沒肅弟熙大業末為符璽即次子柔 宣義郎化及将亂之夕宗人虞仮知而告熙曰事势 行其門如市金寶盈積其弟世南素國士而清貧不 **儼入世基舍而碩鄙無頼為其聚飲鬻官賣獄賄** 及之弑逆也世基乃見害長子肅好學才藝時人 曾有所瞻由是為論者所譏朝野咸共疾怨宇文 賂

已然吾將齊卿南度且得免禍同死何益熙曰棄父背

飲定四庫全書

傳晉少聰敏解屬文好讀書所覧將萬卷仕深為著作 君求生何地感尊之懷自此缺矣及難作兄弟競請先 佐郎後蕭登據荆州以為侍中領國子祭酒吏部尚書 及梁國蘇拜開府為內史侍郎以無吏幹轉晋王諮議 死行刑人先世基殺之 晉字顧言河東人也世任江南居襄陽祖從南史有

參軍王好文雅招引才學之士諸葛頻虞世南王肖朱

場等百餘人以充學士而誓為之冠王以師友處之每

比史

晉為序詞甚典麗初王屬文數庾信體及見晉後文 有文什必令其潤色然後示人嘗朝京還作歸藩賦

遂變仁壽初引為東宫學士加通直散騎常侍檢校洗 馬甚見親重每召入卧內與之宴謔晉尤俊辯多在 有所顧問應答如響性皆酒言雜訴部由是

親押以其好内典令撰法華玄宗為二十卷上之

子大悦賞賜優洽僻軍莫比煬帝嗣位拜秘書監封

南縣公帝退朝後便命入問言宴諷讀終日而罷帝

傳善心九歲而孤為母范氏所賴養幼聰明有思理 許善心字務本萬陽北新城人也祖茂父亨政南史有 能坐起拜伏以像警帝每月下對飲酒朝令宮人置 於 11 将軍益日康晉撰晉王北伐記十五卷有集十卷行 友朋常猶恨不能夜召乃命正刻木為偶人施機 此。 與嬪后對酒時逢興會輕遣命之至與同榻共席思 相酬 一酥而為散笑從幸揚州卒帝傷惜者久之

ع 9

1 ST 17 TEN

北史

文帝代陳禮成而不獲反命累表請辭上不許留勢賓 曰 徧 郎中補撰史學士禎明二年加通直散騎常侍聘隋遇 朝能記多聞點識為當世所稱家有舊書萬餘卷皆 向經三日軟書店馬明日有記就館拜通直散騎常 此神童也太子詹事江總舉秀才對策高第授度支 通涉十五解屬文為殿上父友徐陵陵大奇之謂 、陳亡上遣使告之善心素服號哭於西階下籍首 襲善心哭盡哀入房改服復出北面立垂 老ハ十三

宴 今見其事因賜物二百段十七年除秘書丞時秘藏 曰我見神雀共皇后觀之今且召公等入通述此事善 告以 於坐始知即能成領文不加點筆不停毫常聞此 本官直門下省賜物千段草馬二十匹後幸太山逐 拜受記明日乃朝服泣於殿下悲不能興上顧左右 平陳國唯獲此人既能懷其舊君即我誠臣也敕 部侍郎十六年有神雀降於含章閱上召百官 此瑞善心於坐請紙筆製神雀頌奏之上甚 丰 言

定四軍全書一人

宮煬帝秘不發丧先易留宮人出除嚴州刺史逢漢王 禮樂秘書丞黃門並如故四年留守京師帝崩于仁壽 為國子博士包愷陸德明褚級會世達之軍並加品秩 追李文博陸從典等學者十許人正定經史錯謬仁壽 於篇首又於部録之下明作者之意區分類例馬又奏 元年攝黃門侍郎二年加攝太常少卿與牛弘等議定 尚多清亂善心效阮孝緒七録更制七林各總叙冠 反不之任大業元年轉禮部侍郎奏薦儒者徐文遠

付 法 官候何上旨乃言役不滿日其數雖多不合通計 議虚實百春成議為虚善心以為述於仗 私役雖不滿日闕於宿衛與常役所 心委述初付法官推干餘人皆稱被役經二十 五 為學官其年副納言楊達為其州道大使以 有實亦無罪諸兵士聞之更云初不被役 私役常半日而罷御史大夫梁毗奏劾之上方 百段 左衛大将軍宇文述每日借本部兵數 部情状 上欲 衛之 稱 乃 所 釋 旨 餘 縱 いく 抽 Ð

P

兵多下番散還本府分道追至不謀同解今殆 同 召問有實自接古例事得釋而甚惡之又太史奏帝 御史劾之左遷給事郎降品三等四年撰方物志奏 位年與克時符合善心議以國哀甫爾不宜稱賀述 往送葬善心為祭文謂為陛下敢於今日 心曰陳叔實卒善心共周羅睺虞世基袁克蔡徵等 心議其餘皆議免罪煬帝可免者之奏後數月述諧 覆姦狀分明此何可捨蘇威楊汪等二十餘人 カロ 叔寶尊 一月 同 方

飲定四庫全書

巻ハナミ

因 旨免官其年復徵守給事郎帝嘗言及文帝受命之行 之七年從至涿郡帝方自御戎以東討善心上封事件 為其宗極保上天之縣命膺下土之樂推莫不執大方 資始辰象所以正時坤載厚生品物於馬播氣祭三才 序傳末述制作之意曰謹按太素將萌洪荒初判乾儀 心父撰著祭史未就而沒善心述成父志修續家書其 而育德肖二統而降靈有黎人焉為之君長有貴賤矣 問鬼神之事較善心與崔祖浴撰靈異記十卷初善

北史

言筆里之官漸著炎農以往存其名而 長策感召風雲驅馳英俊干戈揖讓取之也殊功 龜符成之也一致革命期制竹素之道稍彰紀事記 定匹庫在其 晦其文而 賊子亂臣天下大懼元龜明鏡的然可察及三郊派 名之别椿机乘車擅一家之稱國惡雖諱君舉必書 傳夏正與殷祀自辨方正位論時計 顯其質登丘納養具訓許及典談貫品 功南北左右兼 漏 其迹黄軒 鼎

五勝相公俱稱百谷之王並以四海自任重光累德

贖三季之所未聞掃地滔天一元之所巨厄廊廟有序)賢禮樂必備憲章成舉弘深慈于不殺濟大忍于 世無哉逮有梁之與君臨天下江左建國莫斯為盛 之危反流季之末流登上皇之獨道朝多君子 命在於一君繼統傳予四主克昌四十八載餘 六年武皇帝出自諸生爰升寶歷拯百王之與救萬 成孤兔之場珪帛有儀碎夫犬羊之手福善積而身 涉巍巍可為稱首屬陰戎入潁 羯胡侵洛沸騰

三十四

金欽 卷梁書記傳隨事勒成及闕而未就者目錄汪為一 序論之卷先君昔在前代早懷述作凡撰齊書為五 同 已有六帙五十八卷上祕問記善心早嬰茶夢弗克荷 卷梁室交喪墳籍銷盡家壁皆殘不準無所盗帷囊 定四庫全書 授之文亦絕所撰之書一時亡散有陳初建韶為史 毀陳農何以求秦儒既坑先王之道將墜漢臣徒請 仁義存而國亡豈天道嫩豈人事數當別論之在于 闕拾遺心識口誦依舊目録更加修撰且成百卷 巻八十三 百

荡盖今止有六卷獲存又並 缺 室 末學參職郎署兼撰陳史致此書延時未即成續 二年以臺郎入聘屬本邑淪覆他鄉播遷行人失時 類 開其語給王隐之筆未見其人加以 訪門庭記録 太建之末頻抗表聞至德之初紫授史任方 不復望都亭而長慟遷別館 原 頹 退屏無所交游棲 俯 勵弱才仰成先志而單宗 遅不求進益 落失次自入京邑以 而懸壺家史舊書在 庸 瑣涼能 假 班嗣 少强近虚 願 稹 孤 之 組 書 後 将 明 陋

广

足の車公告一

北史

臣 傅 **死傳二卷儒** 者皆善心補闕别為 補 卷羯贼 快二十卷外成傳一卷孝德傳一 卷為一帙十卷宗室王侯列 卷合一 輯略成七十卷四帝紀八卷后 合一帙十卷凡稱史臣者皆先 傳二卷逆臣 林傳二卷逸人傳一卷數 帙 十卷 止足傳一卷列 論一篇託于叙傳之末十 傳二卷叛臣 ,"傅一 一卷誠 一傳二卷 如一 帙 君 女傳一卷權 入析傳一卷 十卷 所 卷三太 臣 言下 傳 具臣 叙傳 子 卷 列 名

隋官盡指朝堂褐賀善心獨不至許弘仁馳告曰天子 通議大夫詔還本品行給事郎十四年化及弑逆之日 武賣即將領江南兵宿衛殿省駕幸江南追叙前敷授 有代終何預叔而低何若此善心怒之不肯随去弘仁 又從至懷遠鎮加授朝散大夫突厥圍應門攝左親侍 返走上馬泣而言日將軍于叔全無惡意忽自求死豈)崩字文將軍攝政合朝文武莫不成集天道人事自

不痛哉還告唐奉議以狀白化及遣人就宅執至朝堂

比史

三六

遂害之及越王稱制贈, 氣命捉來罵云我好欲放你敢如此 賜嘗認范入內侍皇后講讀封永樂郡 化 欽 因 及令釋之善心不舞蹈 節善心母范氏梁太子中舍人孝才之女也少寡養 **卧不复後十餘日亦終** 氏九十有二臨喪不哭撫極日能死國難我有兒矣 博學有高節隋文帝知之敢尚 巻ハ十三 左光禄大夫封高陽縣公諡日 而出 化 及目送之曰此大負 食每獻時新常造分 不遜其黨興牵曳 君及善心遇禍

莫 特所留心每讀書至安危得失忠臣烈士未嘗不反覆 即抄撰記録如選用疎謬即委之戚不道衙每得其語 令在聽事惟中披檢書史并察已行事若遇政教善事 自處齊華莫不敬馬道衛知其貧每延于家給以資費 李文博博陵人性貞介便直好學不倦至於教義名理 如也雖衣食之絕而清操愈厲不妄通賓客恒以禮法 **翫開皇中為羽騎尉特為吏部侍郎薛道衙所知恒** 不忻然從之後直秘書內省典校產籍守道居貧晏

יושא על אבשיי כי (יי

博商略古今政教得失如指諸掌然無吏幹稍遷校 之東都尚書省甚嗟愍之奏為從事因謂齊王司馬 即出為縣丞遂得下考數歲不調道衙為司隸大夫 必潔其源正其末者須端其本今政源混亂 激濁揚清所為多少文博遂奮臂属聲曰夫清其流 平志尚唯 綱 此 日今日遂遇文博得奏用之以為歡笑其見賞知 在洛下曾詣房玄萬相送出衛路玄萬問日公 在正直今既得為從事故應有會素心比 雖 日免

罰之設功過所歸今王妃生男於羣官何事乃妄受賞 紀答云十八文博乃謂曰昔賈誼當此之年議論何事 碩賜羣官各有差文博家道屢空人謂其悅賞乃云賞 遭亂播遷不知所終初文博在內省校書虞世基子 今徒事儀容欲何為者又秦孝王妃生男文帝大嘉 在其內盛飾容服而未有所知文博因從容問之年 朝政浸壞人多贓賄唯文博不改其操論者以此貴 貪郡守亦何所益其率直疾恶不知思諱皆如此

飲定四 有 爾文博本為經學後讀史書於諸子及論光所該治性 其循名責實録過計功必使賞罰不滥功過無隐皆 議論亦善屬文著政道集十卷大行於世開皇中 其名名與語悦之今於秘書修國史每将擢用 素曰日之夕矣素大笑曰以我為牛羊下來邪文帝 郡 在處觀者如市楊素甚狎之素嘗與牛引退朝 庫 林郎通仇不持威儀好為作語雜説人多愛 侯白字君素好學有捷才性滑 全書 稽尤 辩 俊舉秀 白

章曰非君多愛賞誰貴此貞心异甚奇之任梁位中書 卷三禮論語尤所研精龜策歷象成得其要年十四釋 南史有傳克讓少儒雅善談論博涉書史所覽將萬 一克讓字弘道平原局人也世仕江左祖僧紹父山賓 旌異記十五卷行於世 預馬堂邊有修竹异令克讓該之克讓覽筆朝成卒 湘東王法曹参軍時舍人朱异在儀賢堂講老子 不勝官而止後給五品食月餘而死時人傷其薄命

北史

道處之思禮日厚每有四方珍味觀以賜之時東宮盛 散騎常侍卒上甚惜之二宮贈賜甚厚所者孝經義疏 弘等修禮議樂當朝典故多所裁正以疾去官加通直 城縣伯隋文帝受禪位率更令進爵為侯太子以 定匹庫全書 1 學士令與太史官屬正定新歷累遷司調太夫賜爵 部古今帝代記一卷文類四卷續名僧記一卷集二 即梁滅歸長安引為蘇趾殿學士周武帝即位為露 天下才學士至於博物治聞皆出其下詔與太常牛

鉑

流王元景陽休之等所禮皇建中拜中庶子卒贈中 令揚州司馬 少遐博涉羣書有詞藻仕梁位都官尚書入齊甚為 -卷子餘慶位司門郎越王侗稱制為國子祭酒克讓

書羽檄多成其手後為露門學士授大都督封饒陽縣

歸魏為中書侍郎周冢牢宇文護辟為中外府記室軍

秀才為邵陵王東問祭酒元帝時遷中書舎人江陵平

劉臻字宣擊沛國相人也父顯南史有傳臻年十八舉

欽 定 僕射高頻之伐陳也以臻隨軍主文翰進爵為伯皇 歷藍田今畿伯下大夫隋文帝受禪進位儀同三司 全 書 巻八十三

覃思至於世事多所遺忘有劉訥者亦任儀同 太子勇引為學士甚親押之臻無吏幹又性惚怳躭 惧為, 經

學士情好甚密臻住城南訥住 城東蘇嘗欲尋訥 謂臻還家因

知劉儀同家乎從者不知專納 口謂至訥家不

於是引之而去既扣門臻尚未悟

鞍大呼回劉儀同可出矣其子迎門臻 獨日汝亦

扁 諸葛顏字漢丹陽建康人也祖銓梁零陵太守父規義 侯景之亂奔齊歷學士太子舍人問氏平容不得調 |十八年卒有集十卷行於世 大無意吾欲造劉的耳性好昭蜆以音同父諱呼為 太守顏年十八能屬文起家邵陵王祭軍事轉記室 螺具球放多比類也精於兩漢書時人稱為漢聖 出者十餘年習易圖緯着雅莊老頗得其要清

北史

四十一

那其子答曰此是大人家於是顧眄久之乃悟叱從者

帝書賜預詩其卒章日參翰長州苑侍講肅成門名 内帝每賜之曲宴輒與皇后嬪御連席共榻潁因問 太子除藥藏郎煬帝即位遷著作郎甚見親俸出入 有俊才晉王廣素聞其名引為參軍事轉記室及王為 福急與柳誓每相念閱帝屢責怒之而猶不止於後帝 **死四庫在主** 所諧毀是以時人謂之治葛後錄恩舊授朝散大夫 此從征吐各渾加正議大夫從駕北巡卒於道潁性 研聚英華恣討論質錄資平允傳芳導後昆其待遇 をハナミ

嘉會 王貞字孝逸梁郡陳留人也少聰敏七歲好學善毛詩 小導之有集二十卷撰鑾駕北巡記三卷幸江都道里 卷洛陽古今記一卷馬名錄二卷並行於世有子

業每以風讀為好開皇初汴州刺史樊叔略引為主簿 禮記左氏傳周易諸史百家無不畢覽善屬文不事産

後舉秀才授縣尉非其好也謝病於家楊帝即位齊王

陳鎮江都聞其名以書召之及至以客禮待之索其文

四十

集貞上三十三卷為啓陳謝齊王覧集甚善之賜良馬 身長八尺姿儀甚偉博學有俊才尤工草隷陳左衛將 虞綽字士裕會稽餘姚人也父孝曾陳始與王諮議綽 疾甚還鄉終於家 四匹負復上江都賦王賜錢十萬貫良馬二匹未幾以 士遷永陽王記室及陳亡晉王廣引為學士大業初轉 軍傳經有盛名於世見綽詞賦歎美之仕陳為太學博

定四庫全書

巻ハ十三

為秘書學士奉記與秘書郎虞世南著作佐郎庾自直

等撰長洲玉鏡等書十餘部綽所筆削帝未嘗不稱善 虞綽簏陳人也帝領之時禮部尚書楊玄感稱其贵 業俸於帝綽每輕侮之由是有除帝當問綽於潁頻 授建節尉綽恃才任氣無所降下著作郎諸葛穎以學 文翰待詔恩眄隆洽從征遼東帝舍臨海頻見大鳥異 官竟不遷初為校書即以藩邸左右授宣慰尉遷者 詔綽為銘帝覽而善之命有司勒於海上以度遼功 佐即與虞世南庾自直察允恭等四人常直禁中以

足习事全書

吏逮之急於是潜度江變姓名自稱呉卓游東陽抵信 因 之曰上性猜忌而君過厚玄感若與絕交者帝知 已禮之與結布衣之友綽數從之遊其族人虞世南 悔可以無各不然終當見禍綽不從尋有告綽以禁 談钦實無他謀帝怒不解徒與于邊綽至長安而亡 問之日玄感平常時與何人交往其妾以虞綽對帝 兵書借玄感帝甚街之及玄感敗其故妾並入宮帝 大理卿鄭善果窮理其事綽曰羁旅薄游與玄感文 君

妻泣曰每諫君無匿學士今日之事豈不哀哉大德笑 者而告之竟為吏所執坐斬江都所有詞賦並行於 曰我本圖脱長者乃為人告之吾罪也當死以謝綽會 大德為令誅前屋盗甚得人和與綽俱為使者所執 使者大德獲全 詔死罪得以擊賊自劾信安吏人詣使者叩頭曰辛 命所懸不然亦無信安矣使者留之以討賊帝怒

安令天水辛大德舍歲餘綽與人争田相訟因有識綽

廣引為博士仁壽末從劉方擊林邑以功授帥都督大 少有逸才任陳歷太子舍人東陽王文學及陳滅晉王 王胄字承基琅邪臨沂人也祖筠父祥拉南史有傳胄 欽 定四庫全書 巻ハ十三

京師賜天下大酺四日為五言詩部羣官詩成者奏之 帝覽自詩而善之因謂侍臣曰氣高致遠歸之於申詞 初為著作佐即以文詞為煬帝所重帝當自東都還

言詩也帝所有篇什多今繼和與虞綽齊名同志友善

清體潤其在世基意密理新惟庾自直過此者未可以

賦多行於世 虞綽徙邊胄遂亡匿潛還江左為吏所捕坐誅所著詞 忽略時人為諸葛頻所嫉屢錯之於帝帝愛其才而 大夫自性疎率不倫自恃才伐鬱鬱於官每負氣陵傲 時後進之士成以二人為準的從征遼東進授朝散 禮部尚書楊玄感虚襟與交數游其第及玄感敗

洗馬中舍人陳亡與胄俱為學士楊帝即位授秘書即

比史

四五

兄香字元恭博學多通少有盛名於江左仕陳歷太子

言 卒於官 歴豫章王府外兵參軍記室陳亡 入闋不得調晉王 自直令其武河自直所難帝輒改之或至於再三 詩尤善性恭慎不妄交游特為帝所愛有篇章 自直 稱善然後方出其見親禮如 之引為學士大業初授著作佐即自直解屬文於 預川人父持南史有傳少好學沉静寡欲仕 此 後以本官 知 起 居 必 陳 俟 先 Đ. 庿 舍

定四庫全書

)

巻ハ十三

事化及作逆與之北上自載露車中感激發病卒

總甚敬之釋褐新蔡王國侍郎選為客館今隋遣魏澹 史善属文能持論中書今江總引致文儒之士微一指 於施公受書於張沖講莊老於張識並通大義尤精 不奏澹曰曲禮云主敬客詩曰維桑與梓心恭敬止孝 于陳陳人使微接對之澹将反命為於陳主日敬 徽字伯彦吳郡人也性聰敏少受禮於鄭灼受毛詩 弘慈曲垂儀送微以餞送為重敬奉為輕却其啓而

者咸 鉑 經宗廟致敬又云不敬其親謂之悖禮孔子敬天之 汤 定 難之日向所 通別禮主於敬此是通言猶 名之義在夫亦有敬妻之說此可復並 至若敬謝諸公固非尊地公子敬爱止施賓友敬 人敬其名也春秋有真缺夫妻亦云 聖敬日 同一 庫 敱 野宗廟! 五經未有異文不 論敬字本不全 極重上天 巻ハナ Ξ 極高父 如男子 いく 知 為 いく 敬為輕竟何所 輕 極尊君極貴 相 兔而字之注云 但 施 敬於 謂極高極尊 用處殊義 子則 據 怒 有 四

善之復令為萬字文又遣撰集字書名為韻祭微為之 序俊薨晋王廣復引為揚州博士令與諸儒撰江都集 令微於馬上為賦行一驛而成其名曰述思賦俊覧而 博士秦王俊聞其名召為學士當從俊朝京師在塗 不輕但敬之於語則有時混漫令云敬奉所以成疑 部復令殺為序煬帝嗣位微與著作即陸從典太 隅未為深據澹不能對遂從而改馬及陳減為

四十七

報彌見雷同敬聽敬酬何関貴陽當知敬之為義雖

常博士猪亮歐陽詢等助越公楊素撰魏書會素薨而 一常得志京兆人隋秦王記室及王薨過故第為五言詩 頭發病而卒隋時有常得志尹式 劉善經祖君彦孔德 劉斌並有才名事多遺逐 布肯出微為西海郡威定縣主簿意甚不平行至雕 凡所交關多雅其患徽以玄感故人為帝所不悦有 授京北郡博士楊玄感兄弟重之數相往來及玄感 巻八十三

匹犀全建

辭理悲壮甚為時人所重復為兄弟論義理可稱

劉善經河間人歷著作佐郎太子舍人著酬德傳三十 其族人正卿彥卿亦俱有雋才名顯於世 尹式河間人仁壽中官至漢王記室漢王阻兵式自殺

卷諸劉譜三十卷四聲指歸一卷行於世 君彦見其父廷傳

書令專典書檄及建德敗伏誅 孔德紹會稽人有清才官至京城縣及實建德署為中


斌南陽人祖之遴南史有傳統頗有詞藻官至信都

· 青等並極南土譽望又加之以才名其為貴顯固其宜 論曰古人之所貴名不朽者蓋重言之尚存王褒庾信 司功書佐實建德署為中書舍人建德敗復為劉黑闥 顏之推虞世基柳晉許善心明克讓劉臻王貞虞綽王 中書侍郎與黑體亡歸突厥不知所終

也自餘或位下人微居常亦何能自達及其靈她可握

-載之外貴賤一馬非此道也熟云能致凡百七子可

網俱頓並編鄉素成貫詞林雖其位可下其身可殺



通直散騎常侍楊訓〇齊書楊 文苑傳叙宋該封实朱形梁謹之屬〇实監本記樂今 袓 比於建安之徐陳應劉元元之潘張左束各一時也〇 改從南本 為數傳臨淮舉卿竟不相 北史卷八十三考證 元元當係元康之訛今各本俱同 師正魏塞作魏審封孝騫作封孝塞 謝恐非所宜〇恐監 作王又下文李師上作 仍 2 本 訛

樊遜傳避常服東方朔之言〇遜監本誤遊今改從 大司馬裏城王旭〇城監本部成今改從齊書 王褒傳宣城王文學安城內史〇宣城周書作宣成考 列傳宣成王名大器簡文帝子也又安城內史作安 本 不今改從閣本 郡守 南

發曾作燕歌妙盡塞北寒苦之状〇燕歌下周書有行

飲定四庫全書 人

卷八十三考證

許善心傳先易留官人出除嚴州刺史〇留字下隋書 虞世基傅字懋世○懋隋書作茂 後從至天泉池〇天監本部大今從南本改正又齊書 顏 庾 日旦百紙無所遺緣〇旦隋書作 無泉字 て 信傳父子東宮出入禁闥○周書東宮上有在字 2 字又狀監本部言今從周書改正 推傳父協〇 協齊書作 北史 IL.

劉 李 槯 金 三季之所未聞〇此與下文一元之所巨厄句階 幸傳一卷〇幸監本作奉今從 臻傳臻驚日汝亦來耶○驚監本 文博傳相送出衢路○出隋書 有守字盖承上文善心留守京師 近四月在 書 | ■ 無內所字 卷八十三考證 作 隋書及南 而言也 訛 於 警今改從隋書 本 書 木

王胄傳從征遠東進授朝散大夫〇從監本部從今改

虞綽傳陳左衛将軍傅経〇傅監本記傳今改從隋書

常得志傳過故第為五言詩〇第隋書作宮監本誤弟 潘 隋書 字監本作閥三字南本作一行賦三字皆訛也今從 被傳令叛於馬 上為賦行一驛而成〇行一驛 從隋書 今改從南本 增入 北史 क्त M

1	7	1	\neg				1 ,
1 1	1	Ī	1	- 1	- 1		新庭四庫全
1 1	1	i	- 1	1	1	1	دے ا
1 1 t. 1	1	I	- 1	1	1	1	- 欠
1 -, -	1	ĺ		1	-	ĺ	
1 1	1		1		1	1	12:
\>	1	1	1	1		l l	١,
里	1)	j.	1	1	1	一月月
「灰」	1	1	- 1	1	1	1	1''
-	}	1	1	1	1	1	14
	i	1	1	i	1	1	
	į	-	1	1	1	1	-
		1		i	1		1
141		i	1		1		- 1
1 ' 1	1	1	1		1	1	=
1 - 1	1		-	1	1	- 1	
	i	i	1		1	1	
1	i	1		İ	1	ŀ	1
北史卷八十三考验	1				İ	1	
1/1	1	1			1	- 1	
1 32	i	1	1	i	1	- 1	- 1
PE		1	i	1	1	1	
	i		1		i	1	安
1 1		i				1	巻八十三考報
				- 1	i	1	- 1
1	,	1		ĺ	[1	
1	1			,	1		1+
1 1					- (ı	-
1		1			i	1	-
1				'		Į.	¥-
1		;				3	()
						1	124
1	1					ì	1 1
1						1	i
1	1					1	Į
1	-					4	- 1
!!!						i	- 1
1		1					1
1 1	1						
1 1		ì				1	
1						1	1
1 1	1	1			ļ	1	
1	į	:			ì	1	1
1		;			i		1
1	l	i			1	1	1
	1	1		i	1		1
11	ł	i		1	1	1	
		1		1	1	1	1
	i				1	l	İ
il l	1	1		1	1	1	1

第四十四頁後四行帝當自東都還京師刊本 謹条第一頁後二行王胄下毛本有兄春二字刊 北宫據毛本改 本缺今增 都



枝 膝 對 官

官 縞 p 書 修

12 汪 張 劉 種

伊

12

録

褽


12

志

欽定四庫全建

日於智要北史卷八十四

詳校官內閣侍请上孫 球



一缸定四庫全書 一 至百邪去天下順者其唯孝乎然則孝之為德至矣其 子務本本立而道生孝悌也者其為仁之本歐呂覽云 孝經云夫孝天之經也地之義也人之行也論語云君 夫孝三皇五帝之本務萬事之綱紀也執一術而百善 郭文恭 徐孝肅 紐因 荆可 劉仕儁 王碩弟類楊慶 翟普林 華秋 皇甫遐 田翼

卷八十四

為道遠矣其化人深矣故聖帝明王行之於四海則與 愈扇禮義不樹康讓莫脩若乃館銀黃列鐘鼎立於朝 播激烈於當年揚休名於干載是以堯舜湯武居帝王 則永保其宗社長守其禄位匹夫匹婦行之於問問則 天地合其德與日月齊其明諸侯卿大夫行之於國家 之位重至德以敦其風孔墨首孟宗聖賢之資弘正道 廷之間非一族也積龜貝實倉廩居於問卷之內非 以勵其俗觀其所由在此而已矣然而淳源既往澆風

北史

一缸定四庫全書 家也其於愛敬之道則有未能備馬東思之節罕有得 其中馬斯乃詩人所以思素冠孔門有以責衣錦也且 |今之所謂少者可以為多矣古之所謂難者可以為易 | 爵賞以動其心存態誠以誘其進積歲月以求其終則 扇席灌樹負土苟或加人咸為疾俗斯固仁人君子所 生盡色養之方終極東思之地嚴迹多緒其心一馬若 乃誠達泉魚感通鳥獸事匪常倫斯蓋希矣至如温林 以與歎哲后賢庠所宜屬心如令明教化以救其弊優 卷八十四

通感雖或位登台輔靜列王侯祿積萬鍾馬跡干腳死 矣長孫慮等闕稽古之學無饭偉之才或任其自然情 之日曾不得與斯人之徒隸齒孝之大也不其然乎案 敬之心自足膝下之歡忘懷軒竟之貴不言而化人神 無矯飾或為於天性勤其四體並竭股脏之力成盡爱 明吳悉達王續生李顯達倉跋張昇王崇郭文恭為孝 魏書列趙琰長孫慮乞伏保孫益德董洛生楊引問元

大巴日華 白馬

感傳周書列李棠柳檜杜叔毗荆可秦族皇南遐張元

長孫愿代人也母因飲酒其父真呵叱之誤以杖擊便 郭世後紐因劉仕儁即方貴翟普林李德饒華秋徐孝 為孝義傅隋書列陸彦師田德懋薛猶王頒田翼楊慶 肅為孝義傳今趙琰李崇柳檜杜叔毗陸彦師李德饒 入别傳及其家博其餘並從此編緝以備孝行傳云 致死真為縣囚執處以重坐慮列辭尚書云父母忿

卷八十四

夕慮兄弟五人拉沖幼慮身居長今年十五有一女弟

爭本無餘惡直以謬誤一朝横禍今母丧未殯父命旦

宮人河南宗氏亡後賜以宫人申氏宋太子左率申坦 尚書賜野寧國侯以忠謹慎密常在左右出內詔命賜 特恕其父死罪以從遠流 父為孝子於弟為仁兄尋情究状特可於感孝文帝詔 向始四歲更相鞠養不能保全父若就刑交陸溝壑乞 乞伏保高車部人也又居獻文時為散騎常侍領牧曹 兄女也歲餘居卒申撫養伏保性嚴肅極罵切至而伏 以身代老父命使嬰弱衆孤得蒙存立尚書奏云慮於 北史

善鎮将申年踰八十伏保手製馬舉親自扶接申欣然 還家哭於殯以待縣官孝文文明太后以其幼而孝決 **涤益德樂安人也其母為人所害益德童幼為母復仇** 隨之申亡伏保解官奉受還洛復為長兼南中即将卒 保奉事孝謹初無恨色襲父侯爵例降為伯稍遷左中 董洛生代人也居父喪過禮詔遣秘書中散温紹伯奉 即将每請禄賜在外公私尺丈所用無不白知出為無 又不逃罪特免之

釤

定匹庫全書 1

食粥廳服誓終身命經十三年哀慕不改為郡縣鄉問 引年七十五哀毀過禮三年服畢恨不識父追服斬衰 三百餘人上狀稱美有司奏宜旌賞復其一門樹其純 楊引鄉郡襄人也三歲丧父為叔所養母年九十二然 勿命有滅性之譏 **璽書慰之令自抑割以全孝道又詔其宗親使相喻势** ,動集書標揚引至行又可假以散員之名

間元明河東安邑人也少而至孝行著鄉間太和五年

钦定日車全書 一人

、北史

役命終母年母亡服終心丧積載每思日悲動傍隣昆 史吕壽恩列状上聞詔下州郡表為孝門復其租調兵 泣淚丧明悲號上訴許歸奉養一見其母母目便開剌 住兄弟四人早丧父泣慕十載奉養其母孝著鄉色 雍和尊卑諧楊安貧樂道白首同歸又猗氏縣人令 列稱樂户皇甫奴兄弟雖沉屈兵伍而操尚稱高奉 力田積栗博施不已又河東郡人楊風等七百五十 北随郡太守元明以違離親養興言悲慕母亦慈念 老ハ

賓客經過必傾所有每守牢殯喪私辦車牛送終葬 居四十餘載閏門和睦讓逸競勞雖於儉年糊館不 吴悉達河東聞喜人也兄弟三人年並幼小父母為人 事親至孝三世同居閨門有禮景明初畿內大使王凝 奏請標異韶從之 繼親甚著恭孝之稱又東郡小黃縣人董吐渾兄 殺四時號慕悲感鄉隣及長報仇避地永安昆弟同 八孤貧窘用者莫不解衣輟糧以相賑恤鄉問五百

儿史

達义勃海太守悉達後欲改葬亡失墳墓推尋弗獲號 餘人指州稱頌馬刺史以悉達兄弟行著鄉里板贈悉 欽定四庫全書 /

哭之聲畫夜不止叫訴神祇忽於悉達足下地陷得父 京感毀悴有過初喪有司奏聞標問復役以彰孝義時 有齊州人崔承宗其父於宋世仕漢中母丧因獨彼後 銘記因選葬會祖已下三世九喪傾盡資業不假於人

青徐歸魏遂為隔絕承宗性至孝萬里投險偷路員丧

還京師黄門侍郎猴惠蔚聞之曰吾於斯人見廉記之

落形體枯悴六年廬於墓側哭不絕聲好於減性州牧 李顯達類川陽翟人也父丧水漿不入口七日鬢髮隨 王續生滎陽京縣人也遭繼母憂居丧杖而後起及終 情矣於是吊贈盡禮如舊相識 高陽王雅以状奏靈太后詔表其門問 居憂毀齊見稱州里有司奏聞考武帝詔標門問 **禽跋滎陽京縣人也丧母水浆不入口五日吐血數升** 一制續髮盡落有司奏聞宣武詔標旌門問頭其徭役

ع 9

tot de des I

北史

落未及葬權獨宅西崇廬於獨所畫夜哭泣鳩鴿羣至 **悴骨立而已髮落始盡聲聞鄉里盜賊不侵其問州表** 張昇榮陽京縣人也丧久飲水絕鹽哀毀過度形骸枯 丧関復丁父憂哀毀過禮是年夏風雹所經處禽獸是 以養二親仕梁州鎮南府主簿母亡杖而後起鬢髮墮 王崇字乾邑陽夏雅丘人也兄弟起以孝稱身勤稼穑 以聞標其門問 小鳥素質黑眸形大於准栖於崇廬朝夕不去母

及過崇地風電如初咸稱至行所感崇雖除服仍居墓 喪亡文恭孝墓罔極乃居祖父墓次晨夕拜跪跣足員 親自臨視州以聞奏標其門問 側於其室前生草一根莖葉甚茂人莫能識至冬中復 郭文恭太原平途人也仕為太平縣分年踰七十久母 土培祖父二墓寒暑竭力積年不已見者莫不哀歎尚 有鳥巢崇屋乳養三子毛羽成長馴而不騰守令聞之 死草木推折至崇田畔風雹便止禾麥十項竟無損

書聞奏標其門問 欽定四庫全書 / 荆可河東猗氏人也性質朴容止有異於人能苦身勤

力供養其母隨時甘肯終無匱乏母丧水浆不入口三

晝夜悲哭員土成墳蓬髮不櫛菜食飲水而已然可家 日悲號與歸絕而後蘇者數四葬母之後遂廬於墓側

舊墓壁城極大榛燕至深去家十餘里而可獨宿其中

與禽獸雜處哀感遠近色里稱之大統中可鄉人以可

孝行足以勸勵風俗乃上言馬周文令州縣表異之及

孝事親竭力及父丧哀毀過禮每一慟哭酸感行路 馬與可言論時有會於護意而護亦至孝其母間氏沒 泰族上郡洛川人也租白父雚拉有至性聞於問里魏 於敵境不測存亡每見可自傷久乖膝下而重可至 服終之後猶若居丧大家宰晉公護聞可孝行特引見 以母在恒抑割哀情以慰其母意四時珍羞未嘗匱乏 可卒後護猶思其純孝收可妻子於京城恒給其衣食 和中板白顏川刺史大統中板崔郡城郡守族性

皇甫遐宇永賢河東汾陰人也累世寒微而郷里稱其 房室二十許年鄉里咸歎異之其邑人王元達等七十 没哭泣無時唯飲水食菜而已終丧之後猶蔬食不 與弟榮先復相友愛閨門之中怡怡如也尋而其母 和睦遐性純至少丧父事母以孝聞後遭母丧乃廬於 其行贈滄州刺史以旌厥異 餘人上其状有詔表其門問榮先亦至孝遭父丧哀京 不已遂以毀卒邑里化其孝行周文嘉之乃下詔張差

定匹庫全書 |

容百人退食粥枕土櫛風沐雨形容枯悴家人不識當 題者經月餘日乃去遠近聞其至孝說以米麵遺之 遐 其營墓之初乃有鴟鳥各一徘徊悲鳴不離墓側若助 五十餘歩禪窟重臺两币總成十有二室中間行道可 則營墓曉夕勤力未嘗暫停積以歲年墳高數丈周廻 皆受而不食悉以管佛齋馬郡縣表上其状有詔旌

墓側員上為墳復於墓南作一禪窟陰雨則穿窟晴霽

謹有孝行微涉經史然精釋典年六歲其祖以其夏中 仕州郡界為功曹主簿並以統至為郷里所推元性謙 張元字孝始河北芮城人也祖成假平陽郡守父延儁 能聚露其體於白日之下祖異而捨之南隣有二杏樹 熱欲将元就井浴元固不肯從謂其貪戲乃以杖擊其 飲定四庫全書 其主村陌有狗子為人所棄者元即次而養之其叔父 告熟多落元園中諸小兒競取而食之元所得者送還 日汝何為不肯浴元對日衣以蓋形為覆其桑元不

元年十六其祖丧明三年元恒憂泣晝夜讀佛經禮拜 其言逐許馬未幾乃有狗母街一死免置元前而去及 道也若見而不收養無仁心也是以收而養之叔父感 其性命若天生天殺自然之理今為人所棄而死非其 怒曰何用此為将欲更棄之元對曰有生之類莫不重 不孝使祖丧明今以燈光普施法界願祖目見明元求 燈七日七夜轉樂師經行道每言天人師乎元為孫 福佑後讀藥師經見盲者得視之言遂請七僧然

比史

於夢中喜躍遂即驚覺乃徧告家人三日祖目果明 代闍如此經七日其夜夢見一老翁以金鏡療其祖目 飲定四庫全書 1 里成歎異之縣博士楊軌等二百餘人上其状有記表 有文武幹局僧辯平侯景留頒荆州遇梁元帝為周師 王碩字景彦太原祁人也父僧辯南史有傳碩少似儻 祖臥疾再周元恒隨祖所食多少衣冠不解旦夕扶 及祖沒號踴絕而後蘇隨其父水漿不入口三日鄉

舉伐陳頒自請行率兵數百人從韓擒虎先鋒夜濟力 戰被傷恐不堪復聞悲感嗚咽夜中睡夢有人授藥比 陳之策上覽而異之名見言畢獻献上為之改容及大 臥周明帝嘉之召授右侍上士界遷漢中太守尋拜儀 乃蘇哭不絕聲毀齊骨立至服関常布衣旅食藉豪而 同三司隋開皇初以平蠻功加開府封地丘縣公獻 而瘡不痛時人以為孝感及陳滅領密名父在時士

北史

所陷須因入關間其父為陳武帝所殺號働而絕食頃

祭其丘雕野襯焚骨亦可中孝心矣頒頓賴陳謝額盡 明 雪而悲哀不止者将不為霸先早死不得手刃之邪請 卒得干餘人對之沸泣其間壮士或問曰即君讎 武帝獨皆不落其本皆出自骨中頒遂焚骨取灰投 朝事乃彰露諸人請具鍬鍾於是夜發其陵剖棺見 飲之既而自縛歸罪晉王表其状文帝曰朕以義平 血答曰其為墳壁甚大恐一宵發掘不及其屍更至 王領所為亦孝義之道何思罪之舍而不問有司録 四

定匹庫全書 1

卷八十四

得雪怨恥本心徇私非是為國所加官賞終不敢當帝 其戰功将加柱國賜物五十段領固辭曰臣緣國威靈 年二十尚不知書為其兄顒所責怒於是感激始讀孝 弟頻字景文年數歲而江陵亡同諸兄入關少好游俠 從之拜代州刺史甚有惠政卒於齊州刺史 稱解級文善談話年三十周武帝引為露門學士每有 經論語畫夜不倦遂讀左傳禮易詩書乃歎曰書無不 可讀者勤學累載遂偏通五經完其音趣大為儒者所

議決多類所為性識甄明精力不倦好讀諸子徧記異 會帝親臨釋莫國子祭酒元善講孝經頻與相論難 諒繕甲兵及文帝崩諒遂舉兵反多頻之計也頻後數 義蜂起善往往見屈帝大奇之超授國子博士後坐事 書以博物稱又晚兵法益有從横之志每數不逢時常 時諒見房陵及春蜀二王相次廢點潛有異志頻陰勸 解職配防衛南數載授漢王諒府語議参軍王甚禮 以将相自許開皇五年授著作佐即尋合於國子講授

四月五言

得之斬首泉於太原所撰五經大義三十卷有集二十 素但為言不見從遂至於此不能坐受禽執以成豎子 殊不住兵必敗汝可隨從我既而兵敗頻将歸突厥至 卷並囚兵亂無復存馬 其子數日不得食遂過其故人竟為所禽楊素求頻屍 之名也吾死後汝慎勿過親故於是自殺極之石窟中 山中徑路斷絕知必不免謂其子曰吾之計謀不減楊 /青策諒不能用楊素至嵩澤将戰頓謂其子曰氣候

#

宣表其門問賜帛及綿栗各有差隋文帝受禪屢加惡 客止性群慧年十六齊國子博士徐遵明見而異之及 飲定四庫全書 賞權授儀同三司板平陽太守卒於家 楊慶字伯悦河間人也祖玄父剛並以至孝知名慶美 親易燥濕母食則食母不食則不食隋開皇中母忠章 田翼不知何許人也養母以孝聞其後母臥疾歲餘異 不解襟帶者七旬及居母憂哀毀骨立負土成墳齊文 煩涉書記年二十五郡察孝廉以侍養不赴母有疾 卷八十四

枝葉鬱茂冬夏恒青有鳥樓上因舉聲哭鳥即悲鳴時 勝哀而死鄉人厚共葬之 雄少質直孝友丧父後廬於墓側員土成墳其庭前有 紐因字孝政河東安邑人也性至孝周武成中父母丧 人異之周武帝表其問握授甘棠令隋開皇初卒子士 一於墓側員上成墳廬前生麻一株高支许圍之合拱 槐樹先甚鬱茂及士雄居丧樹遂枯死服闕還宅死

北史

翔罪謂中毒藥遂親嘗穢惡母終異一動而絕妻亦不


翟普林楚丘人也事親以孝聞州郡辟皆不就躬耕 為累德里 概復祭隋文帝聞之歎其父子至孝下詔褒揚號其里 旬大業初父母俱終哀毀殆将滅性廬於墓側員 擾為之政食隋文帝受禪表其門問 仕傷彭城人也性至孝丁母喪絕而復蘇者數矣与 不入口者七日廬於墓側員土成墳列植松柏虎狼 問謂為楚丘先生後父母疾親易燥濕不解衣者

卷八十四

墓若普林哀臨大亦悲號見者嗟異有二龍巢其廬前 盡禿落廬於墓側負土成墳有人欲助之者秋朝拜 柏樹入廬馴押無所驚懼司隷巡察奏其孝感擢校孝 止之隋大葉初調狐皮郡縣大獵有一兒逐之奔入秋 **成墳歐冬不永繒絮唯著單線而已家有鳥犬隨其在 秋汲郡臨河人也幼丧父事母以孝聞家貧傭賃為** 女母患疾秋容貌毀忤鬚鬚盡改母終遂絕櫛沐髮


孝子鄉賴秋全者甚衆 廬中馴其左右都縣嘉其孝感其以狀聞降使勞問而 廬中匿秋膝下獵人至廬所異而免之自爾此鬼常宿 欽定四庫全書 一 徐孝肅汲郡人也宗族數十家多以豪侈相尚唯孝肅 表其門問後羣盜起常往來爐之左右咸相誠曰勿犯 問其母父状因畫工圖其形構廟置之而定省馬朔望 儉約事親以孝聞雖在幼小宗黨問每有爭訟皆至孝 所平論短者無不引咎而退孝肅早孤不識父及長

享祭養母至孝數十年家人未見其忿志色母老疾孝 廬于墓所四十餘載被髮徒疏遂以終月其弟德備終 子處點又廬於墓側弈世稱孝馬 飲水風冬單線毀務骨立祖父母父母墓皆貧土成墳 肅親易燥濕憂悴數年見者莫不悲悼母終孝肅茹蔬 然之質中庸有企及之義及其成名其美一也長孫意 之方終極哀思之道厥亦多緒其心一馬若上智禀自 論曰塞天地而横四海者唯孝而已矣然則孝始愛敬




金质四月百月

吴悉達傳隣人孤貧宮困者○困監本訛因今改正 閻元明傳三世同居閨門有禮〇監本缺居閨門三字 長孫應傳更相勒養不能保全○鞠監本誤鞫今改從 孝行傳叙匹夫匹婦行之於問問〇匹監本說足令改 今從南本増入 南 JE, 北史卷八十四考證 木



享祭養母至孝數十年家人未見其忿志色母老疾孝 廬于墓所四十餘載被髮徒疏遂以終月其弟德備終 子處點又廬於墓側弈世稱孝馬 飲水風冬單線毀務骨立祖父母父母墓皆貧土成墳 肅親易燥濕憂悴數年見者莫不悲悼母終孝肅茹蔬 然之質中庸有企及之義及其成名其美一也長孫意 之方終極哀思之道厥亦多緒其心一馬若上智禀自 論曰塞天地而横四海者唯孝而已矣然則孝始愛敬



金质四月百月

吴悉達傳隣人孤貧宮困者○困監本訛因今改正 閻元明傳三世同居閨門有禮〇監本缺居閨門三字 長孫應傳更相勒養不能保全○鞠監本誤鞫今改從 孝行傳叙匹夫匹婦行之於問問〇匹監本說足令改 今從南本増入 南 JE, 北史卷八十四考證 木

